

Dibsho ni Inpaspasing nonta ira Apostol (ACTS)
Lessons Para iren Aanak
LESSON 3

Bible Story: **Sota shogian ni inkawasha ira ni gropon ematin son Apo Jesus**

Scripture: **Acts 2:22-47**

Learning Goal: *Amtaen ni aanak jen no memati ira son Apo Jesus, manbedin iren singa sakey ya party ni bakdang nen Jesus.*

Learning Indicator: *The students will be able to identify key characters and events by answering review questions. They will also participate in discovering truths as they read the verses from their own Bible during the Bible lesson.*

(Give Bibles to any student who did not bring their own.)

Review Questions:

1. Nganton piyasta sota pancelebrata nonta ira Hodiyos? (Pintikost)
2. Nganto i kedag-a ira ni Hodiyos no celebraten shay piyasta ni Pintikost? (Sajay ya piyasta ni Pintikost sota ira totoo mengikhan ira ni apit sha ja idaton sha son Apo Shiyos).
3. Nonta na-olnong sota ira emati nganto sota intenengan shen sound? (Sound ni shagem)
4. Nganto sota inon-an ira ni ematin? (Apoy ya singa shila jen simepa son si-khara)
5. Sipa sota nan-iyen so ira ni emati? (Sota Ispirito Santo)
6. Ngantoy nem sota ira totoo shi Jerusalem ket ira ameshaaw? (Agsipod ta sota ira emati ja edapod Galilee ket nan-esel ira ni maevatan sha)
7. Nganto sota inkowan ira nonta emati ja intenengan ira nonta eg emati? (sota kaskashaaw wa dingdingka nen Apo Shiyos)
8. Sipa sota prophita ja engisolat maypangkhep nonta inkari nen Apo Shiyos ja mengibetkag ali ni Ispirito Santo? (Joel)

A. Introduction

Say engintegan tayon storiya nonta epalabas da ket si Peter inshalan si-khato ni Ispirito Santo nen Apo Shiyos. Si-khato i simango so nonta ira Hodiyos ja nasshaaw nonta intenengan sha iray ematin sha kepan-ikowan sota kaskashaaw wa dingdingda nen Apo Shiyos khabol ni esel sha shi mismon dogad sha. Nashaaw ira ta sota ira man-a-sel ket sigod ja eg sha amtay esel irenjay ya totoo.

B. Intoloy nen Peter ja nan-esel so nonta ira totoo.

Niman si apostol Peter eman-asel pay laeng shi sangoan nonta ira totoo. Itenengan tayo pay no nganto ira sota inkowan to son si-khara nonta timpon akhew ni Pentecost.

Basaen tayoy Acts 2:22-24. (Allow students to volunteer to read each verse).

Inshalan ni Ispirito Santo nen Apo Shiyos si Peter nonta inkowan to iyay so nonta ira totoo. Inkowan to sota Mapteng nga Shamag maypangkhep son Jesus. Si Jesus, etey shi koros, naydiyong nem inpan-ongal nen Apo Shiyos ni maykatdon akhew manipod shi patey.

Sota ira totoon emantetneng ket Hodiyos ira. Sajay iren Hodiyos sha kebenoli sota insolat nen Ari David shi Shaan na Tolag. Jet shi inpantoro nen Peter son si-khara, in explicar to sota inkowan nen

David nonta ebayag da ja say torong to ket sota inpan-ongal nen Apo Jesus shi patey. (Basam i verse 2:27 tan 2:31-33)

C. Inkowan Peter so nonta ira totoo ey si-kharay engipaidansa son Jesus shi koros.

Wara pay i sakey ya inkowan nen Peter son si-khara. Sigosho edigat ta ikowan to son si-khara iyay, nem agsipod ta inshalan si-khato ni Ispirito Santo, binaalan ton inkowan so nonta ira totoo jey si-kharay engipaidansa son Jesus shi koros, sota Mengisedakan na inbetkhag alin Apo Shiyos. Asen tayoy verse **36**.

Idi intenengan nonta ira totoo iyay, nandaringit ira. Nabigbig shen nankamali ira ono nanbasol ira nodta dingkharen emono son Jesus ja Shiyos Anak. Shi inpan-obda ni Ispirito Santo so nonta ira totoo nabigbig sha ey nanbasol ira, niman sha kepan-ibaga son Peter tan so nonta ira apostol no nganto i kasapolan shen dag-en. *Ipabasam son si-kharay Acts 2:37*

D. Inkowan nen Peter jen kasapolan na manbebawi ira say maysedakan ira.

Inkowan nen Peter son si-khara sota kasapolan na dag-en sha.

Basaen tayoy Acts 2:38

Inkowan to ey kasapolan na manbebawi ira. Kasapolan na ibjangan sha ira sota ngaaw wa sha kedagdag-a, jet si Apo Jesus i bigbigen shen etey ja engikesho ni basol sha. No memati ira son Jesus, mepakawan i basbasol sha. Inkowan pay nen Peter jen kasapolan na manbonjag ira tan kasapolan na ikowan sha shi eshom jen emati ira son Jesus - si-khatoy Mengisedakan. Sakey pay ya inkowan Peter ket no saman na memati ira son Apo Jesus, man-iyen son si-khara sota Ispirito Santo.

E. Eshakel i nay-eshom ja emati son Apo Jesus

Basaen tayoy Acts 2:41

Nonta naksheng nga indawdawag nen Peter no ngantoy kasapolan na dag-en sha, eshakel son si-kharay emati son Apo Jesus ja Mengisedakan sha. Piga ira sota naysalakan nontan na akhew?

Nonta na akhew ni Pentecost ket ondaw wa 3,000 jen totoo i emati son Jesus ja Mengisedakan sha. Sajay iren totoo, emati ira nonta intenengan shay mensahi nen Peter isonga nay-anak ma ira shi pamilja nen Apo Shiyos. Nay-anak mowan ira tep angkhen ira kaemanbibiyag may-eshig jen etey ira khabol ni basol sha. Ayshi son si-khara sota biyag ja ayshi i ingkhato no eg ira nay-anak mowan. (*John 3:3 tan 3:7*) Sota ira memati son Jesus jen Si-khatoy etey shi koros khavol ni basol sha, naybeka tan nan-ongal mowan ket nay-anak ira shi pamilya nen Apo Shiyos nontan na timpon inpamatera.

Sajay i pilmiron ewara iray gropo ni emati ono church ono Iglesia ja emesa-sa-nop. Say church ket aliven sota simbaan ono building nem say church ket si-khara sota totoon ememati son Apo Jesus. Isonga sota kada sakey ya toon memati son Jesus, nonta akhew wa inpamati to nay-eshom si-khato nodta pilmiron gropo ira ni emati ono church.

F. Man-oolnong ni olay ja man-ashal maypangkhep son Jesus sota ira pilmiron emati.

Sota ira badon emati ira man-oolnong say mantetneng nonta ira toro ni apostol maypangkhep son Jesus.

Basaen tayoy verse 42

Asen tayoy pay shiyay sota ira eshom ma dingdingkha ira ni emati. Ngantoy kowan tod jay ya dingdingkharang? Manshejaw son Apo Jesus, man-celebrate ni Lord's Supper tan mankarkarag. Ma-sas tayoy pay so ira niyay ya pilmiron emati jen ira emansilbi tan sha ketodongi iray khait shen emati tan sha kaishayaw si Apo Shiyos ni olay. (Acts 2:44-47)

G. Conclusion:

Angkhen sajay ya binasa tayoy niman shiya Bible ket ebayag den epasamak, sota mensahi to ket para son si-khatejo met lang niman. Si Jesus sota Mengisedakan ja inkari nen Apo Shiyos ja inbetkhag To di shiya dobong. Angkhen ayshi kito nonta engikowanan sha ey, "Paidansam shi koros!" Sota basbasol ko tan basbasol jo i engidansa son Si-khato shi koros. Naydiyong Si-khato nem nonta maykatdon akhew, inpan-ongal nen Apo Shiyos manipod shi patey.

Emin ira sota memati son Jesus ket maysedakan tan mewad-an ni biyag ja ayshi i ingkhato.

No sakey kayon emati, sota biyag jo ket inges to sota biyag ira ni emati shi Acts 2. Masi-met kayon mantetneng ni Esel nen Apo Shiyos. Kayo kemanbasa ni Bible jo. Kayo kaemankarag ni inakhew. Tan kayo kaemengibingay ni Esel nen Apo Shiyos shi eshom say memati ngo ira tan say may-a-shom ira shi pamilja nen Apo Shiyos?

Memory Verse:

Acts 2:42 "They devoted themselves to the apostles' teaching and to the fellowship, to the breaking of bread and to prayer."

Act 2:42 "Inaramatda ti tiempoda a nagsursuro kadagiti apostoles. Nakikadkaduada kadakuada, nakipimpinnisida iti tinapay ken nagmaymaysada iti panagkarkarag."

Close in prayer.